



---

**PROMOSAUN REJIME KARREIRA JERÁL IHA FUNSAUN PÚBLIKA 2024**

---

**Kategoria Assistente Grau F**

---

Komisaun Funsau Públika, ho baze ba Dekretu-Lei n.º 5/2019, lora 27 fulan-Marsu, alterasaun husi Dekretu-Lei n.º 1/2018, lora-24 fulan-Janeiru, kona-ba Rejime Promosaun ba Pesóal iha Karreira sira Administrasaun Públika nian no Dekretu-lei n.º 22/2011, lora 8 fulan-Juñu kona-ba Rejimi ba Konkursu, Rekrutamentu, Selesaun no Promosaun Pesóal iha Administrasaun Públika, nune'e mós ho konsiderasaun ba Orientasaun n.º 21/CFP/2019, ne'ebé aprova regra adisionál sira ba prosesu promosaun pesoál iha karreira Administrasaun Públika nian, Deliberaun n.º 85/2019/CFP, ne'ebé altera Deliberaun n.º 67/2018 (Interpretasaun ba Kitériu sira Promosaun Pesóal iha Funsau Públika no Deliberaun n.º 76/2018/CFP, ne'ebé aprova kompozisaun prova eskrita eletrónika ba promosaun pesoál iha Funsau Públika, **Deliberação nº 173/2020/CFP, 2 de outubro, komplementa regras konabá indicadores testus ba ezame lian ofisial sira** determina hodi loka avizu ba konkursu internu promosaun pesoál ba **Kategoria Assistente Grau F**, ho rekizitu no kondisaun sira mak hanesan tuir mai-ne'e:

<b>Númeru Referêcia: <i>Promoção Regime Geral PRG/6/2024</i></b>	
Kategoria Assistente - Grau F Regime Kareira Jeral	Saláriu Baze: US\$ 171/kada fulan
<b>Númeru vaga: 77</b> = 10% husi total funsionáriu públiku <b>regime kareira Jeral grau G</b> ne'ebé habilitadu ba promosaun	<b>Tipu konkursu:</b> Promosaun grau pur méritu
Métodu selesaun ho karakter: Somatóriu total pontuasaun husi kondisaun no kitériu sira kandidatu nian ho rezultadu teste eskritu eletróniku	<b>Relata ba:</b> Superior ierárkiku instituisaun ida-idak nian

## **A. Konteúdu Funsionál Kategoria Assistente Grau F (Decreto-Lei nú.24/2016 de 29 de Junho)**

Funsaun hirak ho natureza ezeutiva ho karáter manual eh mekánika, ho grau komplexidade hirak variabel, ne'ebe enkuadra tuir instrusaun jeral hirak ne'ebé difini ona ho lo-los, ejize formasaun spesífika iha nia área (ofício) eh profissaun no normalmente implika bá esforsu fíziku.

## **B. Rekizitu sira**

### **a. Rekizitu prinsipál sira ba elejibilidade**

1. Permanénsia iha grau ikus mínimu tinan ha'at (4);
2. Lahetan kualkér pena dixiplinár iha tinan tolu (3) ikus tuir desizaun husi KFP;
3. Tenke iha avaliasaun dezempeñu tinan ikus 2023;
4. Avaliasaun dezempeñu ba tinan ikus 2023 labele inferiór (ki'ik liu) husi “bom”;
5. Avaliasaun tengki halo husi entidade sira ne'ebé competente no sai ona nudar dirijente ba avaliadu iha tempu ne'ebé naton tuir lei;
6. Kandidatu hirak ne'ebé goza ona lisensa especial laho vensimentu (eis membru do Governo, Membru Parlamento Nacional, Dirijente Agencia Autónoma Direta no Indireta Estado) bainhira reintegra fila fali ona bá iha nia postu servisu atuál, sei hetan avaliasaun dezempeñu automatiku ho klasifikasaun “muito-bom” durante período lisensa. Nune'e kandidatu sira ne'e konsidera elejivel ba konkursu promosaun nian Funsionáriu Públiku ne'ebé goza hela lisensa laho vensimentu eh ho vensimentu, la-elejivel ba konkursu promosaun, ho exesaun sé kandidatu ne'e reintegra fali ona ba servisu ho despaxu CFP nian molok emisaun lista elejibilidade kandidatura husi Painel Juri.
7. Funsionariu publiku neebe goza hela lisensa especial sem vensimentu bele mos partisipa iha promosaun kareira se karik prienxe kriteria no kondisaun sira ba elejibilidade (Deliberação no. 342/2023/CFP).

### **b. Rekizitu seluk ba atribuisaun pontuasaun promosaun nian**

1. Abilitasaun literária/akadémika ikus ida ne'ebé a'as liu;
2. Lokál servisu (Munisípiu Dili/Estranjeiru, Munisípiu sira seluk, no área remota, muito remota no extremamente remota);
3. Okupante kargu diresaun eh xefia mínimu asumi tinan-rua (2) konseutivu;
4. Avaliasaun dezempeñu tinan haat (4) ikus (2020, 2021, 2022, no 2023);
5. Sertifikadu formasaun profisionál ne'ebé hetan durante permanénsia iha grau, mínimu 2, ne'ebé iha vantajen liu ba kandidatu ho durasaun 40 horas ba leten. Se la iha 40 horas, bele mós sertifikadu ho durasaun menus husi 40 horas;
6. Demonstra domíniu iha lian-ofisiál sira Tétun no Portugés liuhosi teste eskritu eletróniku promosaun nian;

7. Iha kuñesimentu jerál ba matéria sira Administrasaun Pública, Administrasaun no Finansas, Konstituisaun RDTL, Lejislasaun Funsan Pública, Istória Nasionál no Inklusaun Sosiál ne'ebé relevante ba konteúdu funksionál grau ne'e nian no prova hosi rezultadu teste eskritu eletróniku promosaun.

### C. Kompozisaun Júri

Membru Painel Júri ba kandidatu sira husi kategoria Asistente Grau G ba Kategoria Asistente Grau F, ne'ebé konstitui ho baze ba **Despaxu n.º 14007/2024/PCFP, 11 outubro**, kompostu husi membru sira hanesan tuir mai-ne'e:

Juvenal Baptista Mendonça	Presidente júri
Rui Hernani Freitas Guterres	Vogal Júri
Deolinda Maria Sarmiento de Oliveira	Vogal Júri
Armindo dos Santos	Vogal Júri
Isabel Maria Cardoso	Vogal Júri

### D. Konteúdu prova eskrita

Kompozisaun matéria teste eskritu eletróniku promosaun bazeia ba Deliberação n° 387/2024/CFP, Revoga Deliberasaun No.76/2018/CFP, komplementa regras konabá indikadores testus ba ezame lian ofisial sira ne'ebé aprova kompozisaun prova eskrita ba promosaun pesoál iha funsaun pública:

### Matéria kuñesimentu sira ba teste eskritu eletróniku promosaun:

#### 1. Konhesimentu Jerais

- Konstituisaun RDTL,
- Lejislasaun Funsan Pública,
- Historia Nasionál
- Igualdade de Género e Inklusaun Sosial
- Adesão à ASEAN e CPLP

#### 2. Materia konhesimentu tekniku iha area sektoral 3 hanesan:

##### a. Area Administração e Finansas

- Sistema Administrasaun Finansas
- Planeamentu no Aprovizionamentu
- Patrimonio no Lojística
- Desentralizasaun Administrativa

##### b. Area Sosioekonomiku

- Ekonomia Jeral

- Ekonomia Komunitaria
- Programa IX Governu Konstitusional
- Industria
- Turizmu

*c. Area Tekniku-enjenaria*

- Arkitetura
- Enjenharia Sivil
- Tekniku Agrikola
- Eletrisidade
- Teknolojia Informasaun
- Transporte no Komunikasaun

**3. Matéria habilidade língua sira ba teste eskritu eletróniku promosaun:**

- Lian-Tétun;
- Lian-Portugés.

**E. Sistema Klasifikasaun Finál**

Klasifikasaun finál rezulta hosi somatóriu aritmética simplés ba kondisaun no kritériu ida-idak ne'ebé determina husi Dekretu-Lei n.º 5/2019, loron 27 fulan-Marsu, alterasaun husi Dekretu-Lei n.º 1/2018, loron-24 fulan-Janeiru, kona-ba Rejime Promosaun ba Pesoál iha Karreira sira Administrasaun Públika nian nomós rezultadu teste eskritu eletróniku.

Eskala pontuasaun abranje husi 0 to'0 400, kompostu husi kondisaun no kritériu sira ne'ebé temi iha rekizitu iha pontu **a** no **b** iha leten ho totál pontuasaun 180 no rezultadu teste eskritu eletróniku promosaun ho totál pontuasaun 220, kompostu husi: língua Tetum 20 pontus, língua Portugés 20 pontus no koñesimentu jerál no sektoral hamutuk 180 pontus.

Rezultadu klasifikasaun finál ba kandidatu ne'ebé hetan promosaun, sei foti hosi nota finál kandidatu nian ne'ebé ho klasifikasaun a'as liu tun tutuir malu to'0 limite vaga 10% hosi totál funsionáriu grau G.

**F. Periúdu Publikasaun**

Lista elijibilidade kandidatura teste eskritu eletróniku promosaun publika iha loron 18 to'0 loron 22 fulan novembro 2024.

**G. Rekursu**

Ba kandidatu sira ne'ebé la satisfeito ho rezultadu promosaun, bainhira nesesariu hakarak hato'0 reklamasaun/rekursu, bele diriji karta ba Prezidente Júri iha Edifício Comissão Função Pública Dili-Timor-Leste, tuir periúdu ne'ebé determina nanis ona tuir Lei. Rekursu bele hato'0 liu husi faze prosesu promosaun rua hanesan tuir mai ne'e:

1. Rekursu ba lista elijibilidade kandidatura teste eskritu eletróniku promosaun, durante loron 5, hahú husi data 18 to'o 22 novembro 2024.
2. Rekursu ba rezultadu final kandidatu promovidu promosaun por méritu durante loron 5 hahú husi loron anúnsiu lista kandidatu promovidu.

## **H. Afiksasaun Resultadu**

Lista kandidatura ho rezultadu finál promosaun, sei envia ba Instituisaun Estadu sira iha nível Nasional, Município sira no RAEOA hodi bele taka sai iha quadru avizu ka liu husi meius eletróniku sira.

Dili, 08 / 11 / 2024



**Juvenal Baptista Mendonça**  
**Prezidente Júri**